

cau chi ònnia fueddadori aciungit a cussu de fundamentu, cun valori espressivu, evocativu o afetivu, cunforma a is connoscèntzias e a s'esperientzia chi tenit e a su chi cussa paràula ddi fait benni a conca. Iaus a podi nai ca su sinnificau denotativu est ogetivu, cussu connotativu est sugetivu, ddu formant e ddu mudant is fueddadoris. S'iscit ca su lèssicu est s'isprigu de sa manera de cumprendi e de interpretai sa realidadi de parti de una comunidadi de fueddadoris, ma ònnia fueddu fait nasci assimbillus, acostamentus e acàpius mentalis chi nc'istèsiant de su sinnificau ogetivu, denotativu chi tenit.

Cun su tempus, su sinnificau denotativu de unu fueddu podit mudai. Po esempru, in latinu *FEMUR* boliat nai "*còscia*" e su fueddu *COXA* boliat nai "*anca*", a pagu a pagu, su fueddu germànicu *HANKA* – intrau chitzi in su latinu – at fatu de manera chi in sardu puru su fueddu *COXA* siat passau a inditai sa "*parti de sa camba asuba de su genugu*" e *ANCA* si siat afirmau po inditai sa "*parti de asegus de sa croga innui s'atacat sa còscia, sa parti arta de còscia etotu e fintzas sa parti arta de s'ossu de sa còscia*".

Custa est sa primu de 3 partis chi est partziu s'articulu. Sa de duas at a sighiri in *Novas marrubiesas* n. 6.

Novas marrubiesas inderetura a domu !

S'arregordat ca *Novas marrubiesas* podit essi arriciu inderetura a domu cun una e-mail: bastat a ddu pediri mandendi una punta de billetu eletrònicu a s'indiritzu servitziu.linguisticu@comunemarrubiu.it, iscriendi su nòmini e su sangunau e "bollu arriciri *Novas marrubiesas*".



Comunu de Marrùbiu
Provincia de Aristanis

Sa redatzioni de *Novas marrubiesas* est contivigiada de su Servitziu linguisticu sardu de su Comunu de Marrùbiu (operatori Antoni Nàtziu Garau).

S'isportellu linguisticu est a disponimentu de citadinus, maistus de iscola, professoris e istudentis po cali si siat informatzioni, profundamentu, duda, crosidadi, bibliografia, sitografia asuba de sa lingua sarda, po consulèntzias didàticas e po contzillus chi pertocant is arrègulas de iscidura de su sardu. Su Servitziu aperit:

	de	a
sa giòbia	mesudì	is duas
sa cenàbara	is otu	is duas

Telèfunu: 0783.8553312
E-mail: servitziu.linguisticu@comunemarrubiu.it



Comunu de Marrùbiu
Provincia de Aristanis

www.comunemarrubiu.it


Novas marrubiesas

Newsletter periòdica de informatzioni istituzionali de su Comunu de Marrùbiu

Annu I, n. 5
Acabbau su 21 de austu de su 2009

Cunvocau su Contzillu comunali de is piciocheddus po su primu de cabudanni.

Su Sindigu Mateu Demontis at cunvocau po martis 1 de cabudanni de su 2009, a ora de is cincu e mesu de meri, su Contzillu comunali de is piciocheddus.



S'òrdini de is trabballus po sa dii previdit sa presentada a cumoni de is Contzillus comunalis de is

piciocheddus de Marrùbiu, Arborea e Arcidanu e s'apariciu de manifestatzionis de giogus e de isport.

Fintzas a su 30 de cabudanni si podint presentai is demandas de finanziamentu de is Pianus personalizaus po is portadoris de handicap gravi.

S'Ufitziu de is Servitzius socialis fait isciri ca sa làcana de tempus po presentai sa domanda de finanziamentu de is Pianus personalizaus po is portadoris de handicap gravi est istabilida po su 30 de cabudanni.

Totu is interessaus, bastis chi siant arriconnotus cunforma a sa Lei 104/92, podint pediri su contributu po s'assistimentu a domu, po s'acatu in centrus diurnus autorizaus, po sa permanèntzia in istruturas autorizadas cunforma a sa lei 4/88, po s'assistimentu educativu, po fainas isportivas e de socializatzioni.

Is mòdulus funt a disponimentu in s'ufitziu de is Servitzius socialis de su Comunu. Po calisiat informatzioni e duda si podit tzerriai a is nùmerus 0783 / 8553320 – 0783 / 8553321.

Apertu su bandu po pigai a trabballai duus istrutoris contàbilis – categoria C – po su Setori finantziàriu.

Su Comunu tenit abisòngiu de àteru personali. Est po cussu chi at publicau su bandu po s'assuntzioni, a tempus prenu e indeterminau, de duus istrutoris contàbilis de incuadrai in sa categoria c. Intra de is àterus arrechisitus, serbit a su mancu su diploma de ragionieri o unu sìmili. Is demandas bolint presentadas aintru de su 9 de cabudanni. A prus che in su Comunu, su bandu e totu sa documentatzioni est in su giassu internet a s'indiritzu www.comune.marrubiu.or.it.

Pìndulas de lingua sarda (parti 1 de 3)

- *“Tzia Fulana fiat pringia manna e at iscendiaiu ariseru a meri”*. -*“Che grezzo, maleducato!”*. *Comenti mudat su sinnificau connotativu de is fueddus.*

Est nodiu ca una de is carrelas de sa mudadura linguistica est cussa cunforma a su tempus o diacrònica (de s'aregu *δία* = “peri” e *χρόνος* = “tempus”). Cun su tempus, duncas, podint mudai is sonus de sa lingua, sa morfologia, sa sintassi, su lèssicu e fintzas sa semàntica de is fueddus, est a nai su sinnificau, su chi is paràulas inditant. Candu isparessit un'aina o una faina, podit isparessi su fueddu chi dda sinnificat; aici etotu, candu conosceus un'aina, un'ogetu o una faina noa, podeus pigai su fueddu nou furisteri chi ddu nomonat o podeus assentai su sinnificau de calincuna paràula giai presenti me in sa lingua a manera chi sinnalit su cuncetu nou.

Sa semàntica, sa parti de sa linguistica chi istùdiat su sinnificau de is fueddus e de is fràsius, s'imparat ca – chi pigaus unu fueddu – su sinnificau suu ddu podeus partziri in duas calidadis: ddui agataus su sinnificau “denotativu”, su chi su fueddu bolit nai propriamenti, su sinnificau primàriu, referenziali comenti si narat, e su sinnificau “connotativu”, est a nai su sinnifi =